

**CONVENIO DE COLABORACIÓN ENTRE A AXENCIA GALEGA DE
INFRAESTRUTURAS E O CONCELLO DA CAÑIZA PARA A URBANIZACIÓN
DA RÚA VILANOVA (PO-406), ENTRE OS PK 0+000 E 0+170, NA CAÑIZA.**

A Cañiza, 22 de xullo de 2016

REUNIDOS

Dunha parte, Ethel M^a Vázquez Mourelle, presidenta da Axencia Galega de Infraestruturas, facultado para a formalización deste convenio polo Decreto 173/2011, do 4 de agosto, polo que se aproba o estatuto da Axencia Galega de Infraestruturas.

Doutra parte, Miguel Adolfo Domínguez Alonso, na súa condición de alcalde do Concello de A Cañiza, actuando en virtude das facultades representativas que lle atribúe o artigo 21.1 b) da Lei 7/1985, do 2 de abril, reguladora das bases do réxime local.

Ambas as dúas partes recoñécense mutuamente na calidade en que interveñen con capacidade legal, suficiente e necesaria para o outorgamento do presente convenio de colaboración e, a tal efecto

EXPOÑEN



Primeiro. A estrada PO-406 A Cañiza – Filgueira (PO-801), pertencente á rede primaria complementaria da Xunta de Galicia, discorre polo Concello da Cañiza entre os pq 0+000 e 3+480. No treito urbano da estrada, entre os pq 0+000 e 0+170 presenta certas deficiencias que precisan ser reparadas.



Segundo. A Axencia Galega de Infraestruturas ten entre os seus obxectivos a mellora da rede viaria de Galicia, a ordenación do territorio e a súa cohesión, de xeito que se proporcione ás persoas usuarias unha rede eficaz, cómoda e segura, fomentando as relacións municipais e intermunicipais na procura e no fomento dun desenvolvemento harmónico.



Terceiro. O Plan de Mobilidade e Ordenación Viaria Estratéxica, plan MOVE, contempla entre as súas liñas básicas a mellora das condicións de accesibilidade e da mobilidade das persoas.

Cuarto. A Axencia Galega de Infraestruturas, en colaboración co Concello da Cañiza, trata de fomentar aqueles investimentos que resolvan problemas nas infraestruturas, coa finalidade dun desenvolvemento económico e social que aporte unha maior calidade de vida á cidadanía.

Quinto. Mediante a reordenación da sección transversal, eliminando o aparcadoiro nunha das dúas marxes para incrementar o ancho das beirarrúas, a renovación do saneamento e execución da rede separativa, a renovación da rede de abastecemento e alumeadado, e a renovación do pavimento das beirarrúas e da estrada acadaríase unha mellora da calidade do vial, formulando unha solución de futuro.

Sexto. Os convenios entre administracións públicas constitúen o elemento adecuado para desenvolver a súa cooperación en cuestións de interese común, tal e como establecen o artigo 57 da Lei 7/1985, do 2 de abril, reguladora das bases de réxime local e o artigo 198 da Lei 5/1997, do 22 de xullo, de administración local de Galicia.

Considerando a confluencia dos intereses das partes comparecentes, faise preciso artellar as bases para a óptima coordinación e así regular a colaboración nas súas actuacións. Para o fin mencionado, formalízase o presente convenio con suxeición ás seguintes

CLÁUSULAS

PRIMEIRA. OBXECTO

O obxecto do presente convenio é establecer as bases da colaboración técnica e económica entre a Xunta de Galicia e o Concello da Cañiza que permitan realizar a obra de urbanización da rúa Vilanova (PO-406) entre os pk 0+000 e 0+170.

O orzamento de execución destas obras estímase en DOUS CENTOS VINTE MIL VINTE E TRES EUROS CON NOVENTA E OITO CÉNTIMOS DE EURO

(220.023,98 €) IVE engadido. Este importe inclúe a execución das obras, modificados, revisións de prezos e liquidación de obra.

SEGUNDA. COMPROMISOS DO CONCELLO DA CAÑIZA

O Concello da Cañiza achegará para financiar as obras ata un máximo de TRINTA MIL EUROS (30.000,00€) con cargo aos orzamentos do concello. Este importe será transferido polo Concello da Cañiza á Xunta de Galicia con anterioridade á adxudicación das obras e no prazo de 15 días dende que o pagamento sexa requirido pola dita Axencia Galega de Infraestruturas.

Respecto ao compromiso de asunción de obrigas económicas, o concello deberá, con anterioridade á sinatura do convenio, achegar un certificado de existencia de crédito orzamentario suficiente e retido para o fin deste convenio, nos seus orzamentos, así como os compromisos de formalizar o libramento económico no prazo indicado no parágrafo anterior.

TERCEIRA. COMPROMISOS DA AXENCIA GALEGA DE INFRAESTRUTURAS (AXI)

A Xunta de Galicia, a través da Axencia Galega de Infraestruturas, asume os seguintes compromisos:

- 1 Elaborar o documento técnico que contempla as obras e actuacións previstas no presente convenio.
- 2 Licitat, executar e financiar as obras obxecto deste convenio, segundo o proxecto, destinando para este fin ata un máximo de CENTO NOVENTA MIL VINTE E TRES EUROS CON NOVENTA E OITO CÉNTIMOS DE EURO (190.023,98 €) IVE engadido, con cargo aos orzamentos da Axencia Galega de Infraestruturas, aplicación 08.A1.512B.600.1, código de proxecto 1994-06057, de acordo coa distribución seguinte:

- 2016: 95.011,99 €
- 2017: 95.011,99 €

CUARTA. COMISIÓN DE SEGUIMIENTO

Constituirase unha comisión de seguimento formada por un representante da Axencia Galega de Infraestruturas e un representante do Concello da Cañiza. As súas funcións, entre outras, serán as seguintes:

- Impulsar e avaliar o cumprimento do presente convenio naqueles aspectos técnicos obxecto deste, propoñendo as actuacións que se consideren precisas.
- Propoñer a interpretación, en caso de dúbida, do contido do presente convenio.
- Propoñer ás partes a resolución das posibles controversias que puideran xurdir na aplicación do convenio.

Esta comisión reunirse as veces que se estimen oportunas para o cumprimento do presente convenio. En todo caso a solución das incidencias estará condicionada polas limitacións orzamentarias indicadas na cláusula terceira.

QUINTA. NATUREZA DO CONVENIO



Este convenio ten natureza administrativa, rexendo na súa interpretación e desenvolvemento o ordenamento xurídico administrativo, con expresa submisión das partes á xurisdición contencioso- administrativa.

O desenvolvemento dos compromisos, obrigas e demais actuacións contidas no presente convenio rexeranse polo establecido nas súas cláusulas.

SEXTA. MODIFICACIÓNS DO CONVENIO



As modificacións formalizaranse mediante *addenda* cos mesmos requisitos e condicións que para a aprobación do convenio, agás aquelas modificacións de carácter técnico aprobadas polo órgano de contratación, de acordo coa normativa de contratos administrativos, que non impliquen a superación do importe máximo reflectido na cláusula primeira do convenio.

SETIMA. RESOLUCIÓN

1.- As dúbidas que se presenten na súa interpretación, en caso de discrepancias, serán resoltas, visto o informe da comisión de seguimento, polo presidente da Axencia Galega de Infraestruturas, poñendo fin á vía administrativa.

2.- Serán causas de extinción deste convenio:

- O non cumprimento do seu obxecto.
- A inviabilidade da realización das actuacións descritas neste convenio por causas non imputables ás partes.
- O incumprimento de carácter total ou parcial de calquera das cláusulas do convenio. Entenderase por incumprimento parcial aquel que implica en maior ou menor grao a non consecución dos fins propios do convenio ou impidan de xeito directo ou indirecto as actuacións previstas nel.
- Denuncia por causas de interese público, a instancia de calquera das partes.

Cada unha das situacións descritas por si soa é causa suficiente de rescisión do convenio.

OITAVA. PUBLICIDADE



A sinatura do convenio leva implícito o consentimento expreso de todas as partes para a publicación dos datos e especificacións contidas no mesmo, de conformidade co establecido no artigo 15 da Lei 1/2016, do 18 de xaneiro, de transparencia e bo goberno.

NOVENA. VIXENCIA DO CONVENIO




Este convenio terá efecto a partir da data da súa sinatura. A vixencia manterase ata a entrega das obras no prazo sinalado no documento técnico ou no que, por motivos debidamente xustificados, poidan acordar as administracións afectadas, se así se estimase, tras a correspondente solicitude de ampliación do prazo a través da comisión de seguimento citada na cláusula cuarta.

En todo caso, a efectos económicos, a eficacia do presente convenio estenderase ata o 31 de decembro de 2017; non obstante, seguirá producindo efectos en tanto en canto non se liquiden as obrigas que puideran quedar pendentes.

O presente convenio obriga ao cumprimento do expresamente pactado, someténdose todas as partes ao acordado en todas as estipulacións.


Así o outorgan no lugar e data do encabezamento, subscribindo o presente convenio por triplicado exemplar.

A presidenta
da Axencia Galega de Infraestruturas



Ethel Mª Vázquez Mourelle

O alcalde
do Concello da Cañiza



Miguel Adolfo Domínguez Alonso